

## **Nyanja - Moyo Malembo - Soul Scriptures**

**Mateyu 11:28-30 Idzani kuno kwa Ine nonsenu akulema ndi akuthodwa, ndipo Ine ndidzakupumulitsani inu. 29 Senzani gori langa, ndipo phunzirani kwa Ine; cifukwa ndiri wofatsa ndi wodzicepetsa mtima: ndipo mudzapeza mpumulo wa miyoyo yanu. 30 Pakuti gori langa liri lofewa, ndi katundu wanga ali wopepuka.**

**Genesis 2:7 Ndipo Yehova Mulungu anaumba munthu ndi dothi lapansi, nauzira mpweya wa moyo m'mphuno mwace; munthuyo nakhala wamoyo.**

**Genesis 34:2,3,8 Pamene anamuona iye Sekemu, mwana wace wamwamuna wa Hamori Mhivi, karonga wa dzikolo, anamtenga nagona ndi iye, namuipitsa, 3 Ndipo mtima wace unakhumba Dina mwana wace wamkazi wa Yakobo, ndipo anamkonda namwaliyo, nanena momkopa namwaliyo. 8 Ndipo Hamori ananena ndi iwo, kuti, Mtima wa Sekemu mwana wanga umkhumba mwana wako wamkazi: umpatsetu kuti akhale mkazi wace.**

**Numeri 21:4 Ndipo anayenda ulendo kucokera ku phiri la Hori, nadzera njira ya Nyanja Yofiira, kupaza ku dziko la Edomu; ndi mtima wa anthu unada cifukwa ca njirayo.**

**Deuteronomo 4:29 Koma mukafuna Yehova Mulungu wanu kumeneko, mudzampeza, ngati mumfunafuna ndi mtima wanu wonse ndi moyo wanu wonse.**

**Oweruza 16:16 Ndipo kunali, popeza anamuumiriza masiku onse ndi mau ace, oamkakamiza, moyo wace unabvutika nkufuna kufa.**

**1 Samueli 18:1 Ndipo kunali, pakutsiriza iye kulankhula ndi Sauli, mtima wa Jonatani unalumikizika ndi mtima wa Davide, ndipo Jonatani anamkonda iye monga moyo wa iye yekha.**

**1 Mafumu 1:29 Ndipo mfumu inalumbira, niti, Pali Yehova amene anapulumutsa moyo wanga m'nsautso monse,**

**2 Mafumu 4:27 Ndipo pofika kwa munthu wa Mulungu kuphiri anamgwira mapazi. Ndipo Gehazi anayandikira kuti amkankhe; koma munthu wa Mulungu anati, Umleke, pakuti mtima wace ulikumwawa; ndipo Yehova wandibisira osandiuba ici.**

**Yobu 7:11 Potero sindidzaletsa pakamwa panga; Ndiddalankhula popsinjika mumzimu mwanga; Ndiddadandaula pakuwawa mtima wanga.**

**Yobu 14:22 Koma thupi lace limuwawira yekha, Ndi mtima wace umliritsa yekha.**

**Yobu 19:2 Mudzasautsa moyo wanga kufikira liti Ndi kundityolatyola nao mau?**

**Yobu 27:2 Pali Mulungu, amene anandicotsera zoyenera ine, Ndi Wamphamvuyonse, amene anawawitsa moyo wanga,**

**Yobu 30:25 Kodi sindinamlirira misozi wakulawa zowawa? Kodi moyo wanga sunacitira cisoni osowa?**

- MaSalmo 6:3,4 Moyo wanganso wanthurumira kwakukuru; Ndipo Inu, Yehova, kufikira liti? 4 Bwererani Yehova, landitsani moyo wanga; Ndipulumutseni cifukwa ca kukoma mtima kwana.**
- MaSalmo 7:1,2 Yehova Mulungu wanga, ndakhulupirira Inu: Mundipulumutse kwa onse akundilonda, nimundilanditse; 2 Kuti angamwetule moyo wanga ngati mkango, Ndi kuukadzula, wopanda wina wondilanditsa.**
- MaSalmo 17:13 Ukani Yehova, Mumtsekereze, mumgwetse: Landitsani moyo wanga kwa woipa ndi lupanga lanu;**
- MaSalmo 23:3 Atsitsimutsa moyo wanga; Anditsogolera m'mabande a cilungamo, cifukwa ca dzina lace.**
- MaSalmo 25:20 Sungani moyo wanga, ndilanditseni, Ndisakhale nao manyazi, pakuti ndakhulupirira Inu.**
- MaSalmo 33:19 Kupulumutsa moyo wao kwa imfa, Ndi kuwasunga ndi moyo m'nyengo ya njala.**
- MaSalmo 34:22 Yehova aombola moyo wa anyamata ace, Ndipo sadzawatsutsa kumlandu onse akukhulupirira Iye.**
- MaSalmo 35:12,13 Andibwezera coipa m'malo mwa cokoma, Inde, asauksita moyo wanga. 13 Koma ine, pakudwala iwowa, cobvala canga ndi ciguduli: Ndinazunza moyo wanga ndi kusala; Ndipo pemphero langa linabwera ku cifuwa canga.**
- MaSalmo 41:4 Ndinati ine, Mundicitire cifundo, Yehova: Ciritsani mtima wanga; pakuti ndacimwira Inu.**
- MaSalmo 42:5,11 Udziweramiranji moyo wanga iwe? Ndi kuzingwa m'kati mwanga? Yembekeza Mulungu, pakuti ndidzamyamikanso Cifukwa ca cipulumutso ca nkhopre yace. 11 Udziweramiranji moyo wanga iwe? Ndi kuzingwa m'kati mwanga? Yembekeza Mulungu: pakuti ndidzamlemekeza tsopanonso, Ndiye cipulumutso ca nkhopre yanga ndi Mulungu wanga, (MaSalmo 42:6,11; 43:5)**
- MaSalmo 56:13 Pakuti mwalanditsa moyo wanga kuimfa: Simunatero nao mapazi anga kuti ndingagwe? Kuti ndiyende pamaso pa Mulungu M'kuunika kwa amoyo.**
- MaSalmo 69:10,18 Ndipo ndinalira pa kusala kwa moyo wanga, Koma uku kunandikhala cotonza. 18 Yandikizani moyo wanga, ndi kuuombola; Ndipulumutseni cifukwa ca adani anga,**
- MaSalmo 86:13 Pakuti cifundo canu ca pa ine ncacikuru; Ndipo munalanditsa moyo wanga kansi kwa manda.**
- MaSalmo 97:10 Inuokonda Yehova, danani naco coipa: Iye asunga moyo wa okondedwa ace; Awalanditsa m'manja mwa oipa.**
- MaSalmo 107:9 Pakuti akhutitsa mtima wolakalaka, Nadzaza mtima wanjala ndi zabwino.**
- MaSalmo 116:4,8 Pamenepe ndinaitana dzina la Yehova; Ndikuti, Yehova ndikupemphani landitsani moyo wanga. 8 Pakuti munalanditsa moyo wanga**

**kuimfa, Maso anga kumisozi, Mapazi anga, ndingagwe.**

**MaSalmo 119:28 Moyo wanga wasungunuka ndi cisoni: Mundilimbitse monga mwa mau anu.**

**MaSalmo 120:2 Yehova, landitsani moyo wanga ku milomo ya mabodza, Ndi ku lilime lonyenga.**

**MaSalmo 121:7 Yehova adzakusunga kukucotsera zoipa ziri zonse; Adzasunga moyo wako.**

**MaSalmo 124:7 Moyo wathu unaonjoka ngati mbalame mu msampha wa msodzi; Msampha unatyoka ndi ife tinaonioka.**

**MaSalmo 138:3 Tsiku loitana ine, munandiyankha, Munandilimbitsa ndi mphamvu m'moyo mwanga.**

**Miyambi 6:32 Wocita cigololo ndi mkazi alibe nzeru; Wofuna kuononga moyo wace wace ndiye amatero.**

**Miyambi 22:25 Kuti ungaphunzire mayendedwe ace, Ndi kutengera moyo wako msampha,**

**Yeremiya 20:13 Muyimbire Yehova, mulemekeze Yehova; pakuti waladitsa moyo wa aumphawi m'dzanja la ocita zoipa.**

**Yeremiya 31:25 Pakuti ndakhutidwa mtima wolema, ndadzazanso mtima uli wonse wacisoni.**

**Ezekieli 13:20,21 Cifukwa cace atero Ambuye Yehova, Taonani, nditsutsana nazo zophimbira zanu, zimene musaka nazo miyoyo komweko, kululuza; ndipo ndidzazikwatula m'manja mwanu, ndi kuimasula, ndiyo miyoyo muisaka kululuza. 21 Zokuta mitu zanu zomwe ndidzazing'amba, ndi kulanditsa anthu anga m'manja mwanu; ndipo sadzakhalanso m'mphamvu mwanu kusakidwa; ndipo mudzadziwa kuti Ine ndine Yehova.**

**Mateyu 10:28 Ndipo musamaopa amene akupha thupi, koma moyo sangathe kuupha; koma makamaka muope iye, wokhoza kuononga moyo ndi thupi lomwe m'gehena.**

**Mateyu 16:26 Pakuti munthu adzapindulanji, akalandira dziko lonse, nataya moyo wace? kapena munthu adzaperekaji cosintha ndi moyo wace?  
(Marko 8:36,37)**

**Mateyu 22:37 Ndipo Yesu anati kwa iye, Uzikonda Ambuye Mulungu wako ndi mtima wako wonse, ndi moyo wako wonse, ndi nzeru zako zonse.**

**Mateyu 26:38 Pamene po ananena kwa iwo, Moyo wanga uti wozingidwa ndi cisoni ca kufika naco kuimfa; khalani pano mucezere pamodzi ndi Ine.  
(Marko 14:34)**

**Marko 12:30 ndipouzikonda Ambuye Mulungu wako ndi mtima wako wonse, ndi moyo wako wonse, ndi nzeru zako zonse, ndi mphamvu yako yonse.**

**Luka 12:20 Koma Mulungu anati kwa iye, Wopusa iwe, usiku womwe uno udzafunidwa moyo wako; ndipo zinthu zimene unazikonza zidzakhala za yani?**

**Luka 21:19 Mudzakhala nao moyo wanu m'cipiriro.**

**Yohane 12:27 Moyo wanga wabvutika tsopano; ndipo ndidzanena ciani? Atate, ndipulumutseni Ine ku nthawi iyi. Koma cifukwa ca ici ndinadzera nthawi iyi.**

**Macitidwe 14:22 nalimbikitsa mitima ya akuphunzira, nadandauliraiwo kuti akhalebe m'cikhulupiro, ndi kuti tiyenera kulowa m'ufumu wa Mulungu ndi zisautso zambiri.**

**Macitidwe 15:24 Popeza tamva kuti ena amene anaturuka mwa ife anakubvutani ndi mau, nasoceretsa mitima yanu; amenewo sitinawalamulira;**

**1 AKorinto 15:45 Koteronso kwalembedwa, Munthu woyamba, Adamu, anak-hala mzimu wamoyo. Adamu wotsirizayo anakhala mzimu wakulenga moyo.**

**1 Thessalonians 5:23 Ndipo Mulungu wa mtendere yekha ayeretse inu konse-konse; ndipo mzimu wanu ndi moyo wanu ndi thupi lanu zisungidwe zamphumphi, zopanda cirema pa kudza kwace kwa: Ambuye wathu Yesu Kristu.**

**AHebri 6:19 cimene tiri naco ngati nangula wa moyo, cokhazikika ndi colimbanso, ndi cakulowa m'katikati mwa cophimba;**

**AHebri 10:39 Koma ife si ndife a iwo akubwerera kulowa citayiko; koma a iwo a cikhulupiro ca ku cipulumutso ca moyo.**

**Yakobo 1:21 Mwa ici, mutabvula cinyanso conse ndi cisefukiro ca coipa, landirani ndi cifatso mau ookedwa mwa inu, okhoza kupulumutsa moyo wanu.**

**Yakobo 5:20 azindikire, kuti iyeamene abweza wocimwa ku njira yace yosoce-ra adzapulumutsa munthu kwa imfa, ndipo adzabvundikira macimo aunyinji.**

**1 Petro 1:9 ndi kalandira citsiriziro ca cikhulupiro canu, ndico cipulumutso ca moyo wanu.**

**1 Petro 1:22 Popeza mwayeretsa moyo wanu pakumvera coonadi kuti mukakonde abale ndi cikondi cosanyenga, mukondane kweni kweni kucokera kumtima;**

**1 Petro 2:11 Okondedwa, ndikudaulirani ngati alendo ndi ogonera mudzikanize zilakolako za thupi zimene zicita nkondo pa moyo;**

**1 Petro 4:19 Koteronso iwo akumva zowawa monga mwa cifuniro ca Mulungu aike moyo wao ndi kumta zokoma m'manja a Wolenga wokhulupirika.**

**2 Petro 2:7,8 ndipo anapulumutsa Loti wolungamayo, wolema mtima ndi mayendedwe onyansa a oipa aja 8 (Pakuti wolungamayo pokhala pakati pao, ndi kuona ndi kumva zao, anadzizunzira moyo wace wolungama tsiku ndi tsiku ndi nchito zao zosayeruzika).**

**3 Yohane 1:2 Wokondedwa, ndipemphera kuti pa zonse ulemere, nukhale bwino, monga mzimu wako ulemera,**